

SAMÞYKKT

um breytingu á samþykkt um stjórn Sveitarfélagsins Voga nr. 925/2013, með síðari breytingum.

1. gr.

Við 2. mgr. 16. gr. samþykktarinnar bætist nýr stafliður, sem verður m-liður, og orðast svo:

m. Ritun fundargerða. Bæjarstjórn getur ráðið fundarritara utan bæjarstjórnar til að annast ritun fundargerða í gerðabók bæjarstjórnar eða falið starfsmanni ritun fundargerða. Í fundargerð skal getið hvar og hvenær fundur er haldinn og hverjir sitji fundinn. Skrá skal þau dagskrármál sem tekin eru fyrir, heiti þeirra og skjalnúmer, og hvernig afgreiðslu þau hljóta, sbr. staflið c hér að ofan. Sé erindi ekki afgreitt samhljóða skal greina í fundargerð hvernig atkvæði hafa skipst. Erindi sem tekin eru fyrir á lokuðum fundum skal skrá sem trúnaðarmál.

Í lok fundar skal fundargerð lesin upp og skulu allir viðstaddir fundarmenn undirrita hana nema bæjarstjórn ákveði annað.

Bæjarstjórn getur ákveðið að fundargerðir verði skráðar rafrænt. Verði það gert skal bóka í gerðarbók bæjarstjórnar númer fundar, hvar og hvenær fundurinn er haldinn og að fundargerð sé færð rafrænt. Þá skal færa í gerðarbók fundarslit og greina blaðsíðutal fundargerða.

Viðstaddir bæjarfulltrúar, og eftir atvikum ritari, skulu rita nöfn sín við slit fundar í gerðarbókina. Í lok fundarinnar skal rafræn fundargerð prentuð út og hún undirrituð að viðstöddum bæjarfulltrúum, og eftir atvikum ritara. Einnig skal forseti og a.m.k. einn fundarmanna setja upphafsstarfi sína undir hverja blaðsíðu fundargerða sem blaðsíðusettar skulu í áframhaldandi töluröð. Undirritaðar tölvuskráðar fundargerðir skulu reglulega bundnar inn til varanlegrar varðveislu. Bæjarfulltrúi sem gera vill athugasemd við eitthvert atriði í fundargerð getur undirritað fundargerðina með fyrirvara um það atriði.

Bæjarstjórn getur ákveðið að umræður á bæjarstjórnarfundi verði hljóðritaðar eða teknar upp með öðrum hætti, þeim útvarpað gegnum ljósvakamiðla og/eða netmiðla. Verði það ákveðið skal bæjarstjórn setja um það nánari reglur. Um ritun fundargerða bæjarstjórnar vísast að öðru leyti til auglýsingar samgöngu- og sveitarstjórnarráðuneytisins um leiðbeiningar um ritun fundargerða sveitarstjórna nr. 22/2013.

2. gr.

47. gr. samþykktarinnar orðast svo:

Fastanefndir, aðrar nefndir, stjórnir og ráð sem sveitarfélagið á aðild að.

A. Bæjarstjórn kýs í eftirtaldar nefndir, ráð og stjórnir:

1. *Bæjarráð.* Kjósa skal 3 bæjarstjórnarmenn sem aðalmenn og jafnmarga til vara skv. 35. gr. sveitarstjórnarlaga og 26. gr. samþykktar þessarar. Bæjarráð fer með verkefni jafnréttisnefndar, hafnarstjórnar, fjallskilaneftar, gróðurverndarnefndar, húsnæðisnefndar, stjórn veitustofnunar og umferðarnefndar.
2. *Kjörstjórn við sveitarstjórnar- og alþingiskosningar.* Kjósa skal þrjá aðalmenn og jafnmarga til vara skv. 14. gr. laga um kosningar til sveitarstjórna nr. 5/1998 og skv. 10. gr. laga um kosningar til Alþingis nr. 24/2000. Kjörstjórn kýs sér oddvita og ritara úr sínum hópi. Kjörstjórnir fara með þau

verkefni sem þeim eru falin samkvæmt ákvæðum laga um kosningar til sveitarstjórna og laga um kosningar til Alþingis.

3. *Barnaverndarnefnd*. Tveir aðalmenn og jafnmargir til vara í sameiginlega barnaverndarnefnd Suðurnesjabæjar og Sveitarfélagsins Voga skv. III. kafla og 87. gr. barnaverndarlaga nr. 80/2002.
4. *Skipulagsnefnd*. Fimm aðalmenn og jafnmargir til vara skv. 6. gr. skipulagslaga nr. 123/2010.
5. *Fjölskyldu- og velferðarnefnd* Suðurnesjabæjar og Sveitarfélagsins Voga. Tveir aðalmenn og jafnmargir til vara í sameiginlega nefnd sveitarfélaganna tveggja skv. 5. gr. laga um félagsþjónustu sveitarfélaga nr. 40/1991.
6. *Fræðslunefnd*. Fimm aðalmenn og jafnmarga til vara. Nefndin fer með málefni bókasafns, grunnskóla, leikskóla og tónlistarskóla, sbr. 4. gr. laga um leikskóla nr. 90/2008, 5. gr. laga um grunnskóla nr. 91/2008 og 2. gr. laga um fjárhagslegan stuðning við tónlistarskóla nr. 75/1985.
7. *Frístunda- og menningarnefnd*. Nefndin fer með íþróttá- og tómstundamál og menningarmál. Nefndin er bæjarstjórn til ráðuneytis um verndun gamalla húsa og fornra minja samkvæmt lögum um Þjóðminjasafn Íslands nr. 140/2011.
8. *Umhverfisnefnd*. Fimm aðalmenn og jafnmargir til vara. Nefndin fer með umhverfismál. Hún fer með verkefni náttúruverndarnefndar samkvæmt lögum um náttúruvernd nr. 60/2013 og verkefni gróðurverndarnefndar samkvæmt lögum um landgræðslu nr. 155/2018. Nefndin hefur einnig eftirlit með fjallskila- og afréttarmálum.

B. Stjórnir og samstarfsnefndir.

1. *Almannavarnarnefnd Suðurnesja*. Einn aðalman og einn til vara skv. 9. gr. laga um almannavarnir nr. 82/2008.
2. *Heilbrigðisnefnd Suðurnesja*. Einn fulltrúa og einn til vara samkvæmt ákvæðum 11. gr. laga um hollustuhætti og mengunarvarnir nr. 7/1998.
3. *Brunavarnir Suðurnesja bs.* Einn aðalman og einn til vara skv. stofnsamningi.
4. *Fulltrúar á landsþing Sambands íslenskra sveitarfélaga*. Tvo aðalmenn og tvo til vara, sbr. 4. og 5. gr. samþykktar Sambands íslenskra sveitarfélaga.
5. *Samband sveitarfélaga á Suðurnesjum*. Einn aðalman og einn til vara skv. 6. gr. samþykktar S.S.S. frá 8. september 2018.
6. *Stjórn Sorpeyðingarstöðvar Suðurnesja sf.* Einn aðalman og einn til vara, sbr. 6. gr. samþykktar fyrir félagið eins og þeim var síðast breytt 27. apríl 2017.

C. Verkefnabundnar nefndir.

Bæjarstjórn getur kosið nefndir til að vinna að einstökum afmörkuðum verkefnum. Umboð slíkra nefnda stendur til loka kjörtímabils eða þar til verkefni hennar er lokið.

3. gr.

Samþykkt þessi sem bæjarstjórn Sveitarfélagsins Voga hefur sett samkvæmt ákvæðum 9. gr. sveitarstjórnarlaga nr. 138/2011 staðfestist hér með til að öðlast þegar gildi.

Samþykkt í bæjarstjórn 27.02.2019.